

PERKASA tetap sertai HIMPUN walau tak berucap
Malaysiakini.com
October 19, 2011
By Salhan K Ahmad

Presiden PERKASA, Datuk Ibrahim Ali berkata beliau tiada masalah dengan penganjur Perhimpunan Sejuta Umat yang tidak mahu beliau berucap dalam perhimpunan 22 Oktober.

"Kita pun tak berminat (berucap)," katanya lagi ketika ditemui di bangunan parlimen hari ini.

NONEJelasnya, penglibatan beliau dalam perhimpunan itu hanyalah dalam soal memberikan ucapan.

"(Penganjur) nafikan (penglibatan) sebab ada khabar angin kata saya dan (ahli parlimen Kulim-Bandar Baru, Datuk) Zulkifli Noordin berucap.

"Tapi kita sokong dan akan turut serta dalam perhimpunan itu.

"Malah PERKASA turut diundang secara rasmi pada awal lagi untuk menyatakan sokongan," katanya lagi.

Dalam pada itu, beliau mempertikaikan pendirian penganjur yang tidak mahu badan politik turut sama terlibat dalam perhimpunan itu.

"Sebab Islam sendiri tidak boleh pisah dengan politik, jadi macam mana nak halang badan politik terlibat.

"Sebab itu saya tidak bersetuju dengan pendirian penganjur itu. Tapi soal untuk pastikan siapa yang patut berucap itu dia boleh tentukan," katanya lagi.

Copyright © 1999-2007 Mkini Dotcom Sdn. Bhd
<http://www.malaysiakini.com/news/179124>